

10H8M JORDAN + BAITULMAQDIS + MESIR

Amman - Petra - Laut Mati - Jericho - Baitulmaqdis - Hebron - Jabal Musa - Suez - Cairo – Alexandria

HARI 1 KUALA LUMPUR – MUSCAT – AMMAN (D)

Tetamu berkumpul di Lapangan Terbang Antarabangsa Kuala Lumpur (KLIA) untuk penerbangan ke Amman melalui Muscat. Makan malam dan daftar masuk hotel.

HARI 2 AMMAN – PETRA – LAUT MATI – AMMAN (B/L/D)

Selepas sarapan pagi, tetamu akan dibawa ke **Petra**, Jordan. Petra adalah tapak arkeologi yang terkenal di padang pasir di barat daya Jordan. Wujud sekitar tahun 300 SM, ia adalah ibu kota Kerajaan Nabatean. Kemudian, tetamu akan dibawa ke **Laut Mati** (Dead Sea). Laut Mati merupakan tasik air masin yang terletak di sempadan Jordan dan Tebing Barat. Pantainya berada di kedudukan serendah 418 m di bawah aras laut yang merupakan kedudukan terendah di atas daratan dunia. Kandungan garam di dalam laut ini menyebabkan tiada hidupan laut yang boleh hidup di dalamnya, manakala jika mandi, badan akan terapung di atas air dan tidak tenggelam. Pasti tetamu ingin mencuba! Seterusnya, tetamu akan dibawa untuk makan malam dan daftar masuk hotel

HARI 3 AMMAN – JERICHO – BAITULMAQDIS (B/L/D)

Sarapan pagi di hotel, tetamu akan dibawa menyeberangi sempadan Israel melalui **Allenby Bridge** atau juga dikenali sebagai King Hussein Bridge sebelum tiba di **Jericho**. Jericho atau dalam Bahasa Arab dipanggil Ariha dipercayai merupakan bandar tertua dan bandar terendah di dunia. Seterusnya, melawat **Makam Nabi Musa**. Makam Nabi Musa tidak seperti makam lain kerana ukurannya yang agak besar iaitu lebih kurang 3 meter panjang dan 1.5 meter lebar. Seterusnya, meneruskan perjalanan ke Baitulmaqdis. Makan malam dan daftar masuk hotel.

HARI 4 BAITULMAQDIS (SP/MT/MM)

Setelah selesai bersarapan, tetamu akan memulakan lawatan di Baitulmaqdis dengan melawat **Masjid Al-Aqsa** yang merupakan masjid ketiga paling suci dalam Islam. Menurut sejarah Islam, di masjid inilah Nabi Muhammad diangkat ke langit ketujuh dalam peristiwa Israk dan Mikraj. Selain itu, Masjid Al-Aqsa juga merupakan kiblat pertama bagi umat Islam sebelum wahyu diturunkan di dalam Surah al-Baqarah ayat 148 untuk dihadapkan kiblat ke arah Masjid al-Haram buat semua umat Islam sehinggalah sekarang. Seterusnya melawat **Dome of the Rock**, monumen Islam tertua yang masih berdiri sehingga ke hari ini. Ia juga mempunyai mihrab yang tertua di dunia. Kemudian tetamu berpeluang melihat **Wailing Wall**, di mana ia adalah satu-satunya sisa bangunan suci yang teguh berdiri di Temple Mount. Seterusnya, melawat **Masjid Omar** yang dibina oleh umat Islam di kawasan Saidina Umar Al-Khatib bersembahyang selepas menolak pelawaan paderi besar Baitulmaqdis untuk bersolat di Church of the Holy Sepulchre. Kemudian meneruskan lawatan ke **Mount Olive** dan menziarahi **Makam Salman Al Farisi** dan **Makam Rabi'atul Adawiah**. Salman Al Farisi adalah seorang sahabat Nabi Muhammad yang terkenal dengan kecerdikannya dalam mengusulkan penggalian parit di sekeliling kota Madinah semasa perang Khandaq. Manakala Rabi'atul Adawiah terkenal sebagai antara salah seorang wanita terawal yang memeluk agama Islam dan tergolong sebagai wanita sufi dalam sejarah Islam. Kemudian, pulang ke hotel dan makan malam.

HARI 5 BAITULMAQDIS – HEBRON (SP/MT/MM)

Selepas sarapan pagi, tetamu akan dibawa ke **Hebron**. Hebron atau Al-Khalil iaitu nama dalam Bahasa Arab terletak di pinggir barat kota Palestin dan telah disenaraikan sebagai tapak warisan dunia oleh UNESCO. Tetamu berpeluang untuk menerokai sejarah 3 nabi yang pernah bersemayam di kota Hebron iaitu Nabi Ibrahim, Nabi Ishak dan Nabi Ya'akub. Jadi, tidak sah jika tidak melawat makam mereka di sini iaitu **Makam Nabi Ibrahim** dan makam isteri baginda **Siti Sarah**, makam anak lelakinya **Nabi Ishak** dan makam isterinya iaitu **Siti**

Rifqah, serta **Makam Nabi Ya'akub**. Kemudian, pulang ke hotel dan makan malam.

HARI 6 BAITULMAQDIS – JABAL MUSA (SP/MT/MM)

Sarapan pagi di hotel, dan bertolak menuju ke Mesir. Makan tengah hari di Taba dan sambung perjalanan ke **Jabal Musa**. Di sinilah terletaknya biara St. Catherine yang merupakan biara Kristian tertua dan disenaraikan sebagai tapak warisan dunia UNESCO. Setibanya di sana, tetamu akan dibawa makan malam dan daftar masuk hotel.

HARI 7 JABAL MUSA – SUEZ – CAIRO (SP/MT/MM)

Setelah sarapan pagi, tetamu akan dibawa ke **Gunung Sinai** atau juga dikenali sebagai Moses Mountain. Tempat ini menjadi salah satu tempat bersejarah bagi kaum Muslim di mana tempat ini dipercayai menjadi tempat Nabi Musa menerima wahyu berupa 10 perintah Allah yang termaktub dalam Kitab Taurat, sebelum diwahyukan al-Quran kepada Nabi Muhammad. Kebanyakan pelancong yang datang ke Gunung Sinai ini adalah untuk menyaksikan keindahan panorama sekitar Mesir sambil melihat matahari terbit dari puncak gunung tersebut. Seterusnya menziarahi **Makam Nabi Harundan Makam Nabi Soleh**. Kemudian, bertolak menuju ke **Cairo**. Makan malam dan daftar masuk hotel

HARI 8 CAIRO – ALEXANDRIA (SP/MT/MM)

Sarapan pagi di hotel, tetamu akan memulakan perjalanan ke **Alexandria** atau dikenali sebagai Iskandariah, sebuah kota cantik di pinggir laut Mediterranean yang banyak meninggalkan kesan sejarah. Di Alexandria, tetamu akan melawat **Citadel of Qaitbay**. Ia merupakan salah satu kubu yang dibina untuk menangani serangan Turki Uthmaniyyah pada zaman itu. Kemudian, melawat **Masjid Abu Al Abbas** dan **Masjid Imam Bousiri**. Seterusnya, tetamu akan dibawa ke **Montaza Gardens**, iaitu taman pinggir laut yang mempunyai keluasan lebih 155 hektar. Di dalam kawasan tersebut pula tetamu berpeluang untuk berfoto di **Istana Raja Farouk** yang memiliki seni bina yang indah. Kembali semula ke Cairo, tetamu akan makan malam dan pulang ke hotel.

HARI 9 CAIRO – MUSCAT (SP/MT/MM)

Selepas sarapan pagi di hotel, tetamu akan dibawa melawat **Great Pyramid of Giza** dan **Sphinx**. Kemudian ke **Egyptian Museum**, di mana di dalamnya terdapat lebih daripada 120,000 koleksi barangan kuno Mesir dan merupakan salah satu muzium terbesar di rantau itu. Seterusnya meneruskan lawatan ke **Masjid Al Azhar** dan **Masjid Saidina Hussain**. Akhir sekali tetamu berpeluang untuk membeli belah di **Khan Khalili Bazaar**, **Kilang Minyak Wangi**, dan **Kilang Papyrus** sebelum bertolak ke lapangan terbang untuk penerbangan pulang ke Kuala Lumpur melalui Muscat.

HARI 10 MUSCAT – KUALA LUMPUR

Tiba di Lapangan Terbang Antarabangsa Kuala Lumpur (KLIA)

JADUAL PENERBANGAN



FLIGHT	DARI	KE	BERLEPAS	KETIBAAN
WY 822	KUL	MCT	0940	1255
WY 413	MCT	AMM	1445	1655
WY 408	CAI	MCT	0130	0720
WY 823	MCT	KUL	0850	1940

HOTEL

BANDAR	RATING	NAMA HOTEL
AMMAN	3	HOTEL ALFANAR ATAU SETARAF
BAITULMAQDIS	3	HOTEL NEW METROPOLE ATAU SETARAF
JABAL MUSA	3	HOTEL MORGENLAND ATAU SETARAF
CAIRO	3	HOTEL ARACAN PYRAMIDS ATAU SETARAF

TARIKH PERLEPASAN : 7 APRIL 2019